

ԵՐԵՒԱՆԵՐԻ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ ՕՐԸ ՓԱՍՏԱԲԱՆՆԵՐԻ ՊԱԼԱՏՈՒՄ

01.06.2017 18:40

Հայաստանի Հանրապետության փաստաբանների պալատը հունիսի մեկին կազմակերպել էր երեխաների պաշտպանության միջազգային օրվան նվիրված միջոցառում: Երկու մասից բաղկացած միջոցառումը հազեցած էր գիտահանրամատչելի ծրագրով, ուրախ ժամանցով և նախապես հայտարարած մրցույթների մրցանակաբաշխությամբ: Երեխաներին ողջունել է ՀՀ փաստաբանների պալատի նախագահ Արա Զոհրաբյանը՝ շնորհավորելով տոնի առթիվ, մաղթել հաջողություններ և անհոգ մանկություն:

Հունիսի մեկին ընդառաջ ՀՀ փաստաբանների պալատը Մանանա կենտրոնի հետ համատեղ հայտարարել էր երեխաների իրավունքներին առնչվող լուսանկարների, էսսեների և ֆիլմի սցենարի մրցույթ: Մրցույթի մեկնարկից սկսած մինչև ավարտը հանրապետության բոլոր մարզերից 7-ից 17 տարեկան երեխաներից ու պատանիներից ստացվել էր 50-ից ավելի հայտ: Մանանա կենտրոնի պրոֆեսիոնալ ժյուրին առանձնացրել էր տարբեր տարիքային խմբերում առաջին, երկրորդ և երրորդ տեղերի մրցանակներ, ինչպես նաև խրախուսվել էին որոշ աշխատանքներ: Հայտարարված մրցույթին իրենց մրցանակներով միացել էին ՀՀ-ում ԱՄՆ դեսպանատունը, Հայ գրողների միությունը, ԱՐԱՏՏԱ իրավախորհրդատվական կազմակերպությունը, Save the Children Armenia երեխաների իրավունքների պաշտպանությամբ զբաղվող կազմակերպությունը: Մինչ մրցանակակիրների անունները հայտարարելը՝ երեխաները մասնակցել են Մանանա կենտրոնի սաների կողմից նկարահանված երեխաների իրավունքների մասին ֆիլմ վիկտորինային՝ պատասխանելով իրավունքներին առնչվող հարցերին:

Մրցույթների մասին ներկաներին տեղեկացրել է Մանանա կենտրոնի տնօրեն Ռուզաննա Բաղդասարյանը՝ շեշտելով ազատ մտածողության և ասելիքը ճիշտ շարադրելու կարևորությունը:

Լուսանկարների մրցույթում տարբեր տարիքային խմբերում առաջինից երրորդ մրցանակակիրներն են՝

- **առաջին տեղ**՝ Զարուհի Գևորգյան (Լճափ, Գեղարքունիք), Արտյոմ Մամյան (Կողբ, Տավուշ), Լիլիթ Վարդանյան (Երեւան),

- **երկրորդ տեղ**՝ Մարինե Նիկողոսյան (Կաքավասար, Շիրակ), Իզա Ասծատրյան (Հալիձոր, Սյունիք), Վիլյամ Հովհաննիսյան (Երևան):

- **երրորդ մրցանակային տեղը** զբաղեցրել են՝ Անուշ Հովհաննիսյան (Արմավիր), Ստելլա Ավետիքյան (Դսեղ, Լոռի): Խրախուսական մրցանակ է ստացել եվա Խեչոյանը՝ Չարենցավան, Կոտայք:

Ֆիլմի սցենարի առաջին մրցանակը ստացել է Անուշ Աբրահամյանը (գ. Ներքին Գետաշեն, Գեղարքունիք), երկրորդ տեղի մրցանակակիր է դարձել Անի Ավետիսյանը (Ոսկեհատ, Արագածոտն), երրորդ տեղը զբաղեցրել է Նարեկ Բաբայանը (Վայոց ձոր, գ. Մալիշկա):

Խրախուսական մրցանակ են ստացել Մարատ Սիրունյանը (Լոռու մարզ, գ. Լեռնավան) և Լիլիթ Խլղաթյանը (Լիճք, Գեղարքունիք):

Էսսեի մրցույթի հաղթողներ են ճանաչվել՝

-**Առաջին տեղ**՝ Լուսյա Բալաբեկյան (Հրազդան, Կոտայք), Զարուհի Գևորգյան, (Լճափ), Էդուարդ Թամամյա (Երևան),

-**Երկրորդ մրցանակային տեղում** էին Անուշ Մկրտչյան (Շենիկ, Արմավիր), Անի Ավետիսյան (Ոսկեհատ, Արագածոտն), Ալեքսանդր Սահակյան (Երևան):


- **Երրորդ տեղի համար** նախատեսված մրցանակը ստացել են՝ Անահիտ Մկրտչյան (Հրազդան, Կոտայք), Անի Ղուլինյան (Դսեղ, Լոռի), Աննա Խաչատրյան (Երևան):



Լավագույն սցենարի հեղինակը Մանանա կենտրոնի կողմից արժանացել է հատուկ մրցանակի՝ սեփական սցենարի նկարահանման: Հատուկ մրցանակ է հանձնվել նաև մի էսսեի իրական հեղուսին՝ փոքրիկ Սառային, ով սովորելուն զուգահեռ նաև հեղուկագործությամբ է զբաղվում՝ օգնելով սոցիալապես անապահով ընտանիքին:

Մրցանակակիրներին շնորհավորել է նաև Հայ գրողների միության նախագահ Աբգար Ափինյանը՝ մաղթելով չլինել սովորական, այլ փորձել ստեղծագործական մոտեցմամբ վերաբերել կյանքին: ԱՐՐԱՏԱ կազմակերպության ներկայացուցիչը նշել է, որ առանձին տոն ունենալը իսկապես շատ հաճելի է, սակայն պետք է գիտակցել, որ այս տոնը ստեղծվել է անհրաժեշտաբար, երբ ի հայտ են եկել երեխաների իրավունքները սահմանելու, դրանք չոտնահարելու մարդկային պահանջները: Նա երեխաներին մաղթել է ճիշտ կարողանալ օգտագործել իրենց ազատությունը և այն ոչ թե զենք դարձնել, այլ հնարավորություն ստեղծագործելու և կյանքը դեպի լավը փոխելու:

Ավելի փոքրիկների համար նախատեսված ժամանցային ծրագրում ելույթ են ունեցել «Մանուկների մոլորակ» կրթադաստիարակչական գեղագիտական կենտրոնի սաները և Հայաստանի ռազմական թաքստիկանների ֆեդերացիայի սաները: Ցուցադրվել է քիմիական շոու ծրագիր, եղել է հյուրասիրություն, փուչիկների շոու և այլ հետաքրքիր խաղեր: Հյուրասիրությանը հետաքրքիր թխվածքաբլիթներով մասնակցել է նաև MY PARTY կազմակերպությունը:

















```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```